

历代名臣传

历代名臣传

歷代循吏傳序

傳曰循吏仍史目也吏者蒞也爲天子蒞此民也自牧伯監尹下逮一州一邑之長統謂之吏吏得其人則民安民安而天下治矣顧必如何而後爲得人曰廉曰才曰慈惠曰強幹四者盡之矣而史傳不以四者名吏而標其目曰循循之爲言良也舍四者無所謂良而卒不得謂之廉吏才吏慈惠強幹吏者然則所云循良者可會而知矣論語記仲弓子夏諸賢之爲宰嘗問政於孔子而其爲政無可考子賤子游以鳴琴弦歌傳其他亦

未有聞焉漢史稱龔黃卓魯之治郡多異績吾不知其
爲政於聖門諸賢何如也宋張觀自謂守官以來惟持
勤謹和緩四字又云世間何事不從忙後錯過蓋爲其
事而輒計其效則進銳者退必速即幸而有成而急遽
苟且終遺後日之悔彼惴惴無華之吏循守繩墨而程
能效功日計不足月計有餘况煦育涵濡以養以教事
不煩而民享和平之福此王逸之所以悠而久也循良
之目其謂是歟顧吾猶有慮焉庸庸者自托於簡易鎮
靜以文其迂拙固早早不足道其或慕古人之雅化而

優遊無爲即使子賤鳴琴而理而怨咨愁苦之聲不息
雖日奏南風之曲能使阜財解愠乎有恒產而後有恒
心假而終歲不飽而欲使家弦戶誦吾知子游有所不
能也我

皇上念切民依勤求吏治嘗謂司民牧者存一沽名市譽之
念將有廉而矯激寬而姑息者矣朕非教人以不廉廉且
不可而況於不廉乎非教人以不寬寬且不可而況於嚴
乎惟中道而行實政實心上爲國而下爲民莫善於是大
哉

聖謨無以復加矣蓋中者堯舜禹湯文武之所以傳心施之於政事即洪範無黨無偏王道平平蕩蕩商頌不競不綏不剛不柔敷政優優之謂也由乎此則處爲顏孟周程出爲臯夔稷契悖乎此雖一郡一邑可得而治乎今傳循吏若干其所爲治雖未必盡有合於

聖訓而優游無爲與矯激姑息以立異者槩不錄焉讀者循覽體察庶於吏治或有少補歟

雍正七年己酉歲長至前一日高安朱軾書

歷代循吏傳序

昔在帝堯克明峻德平章百姓協和萬邦帝治之隆萬古爲昭及考二典終篇而知時雍之化雖本於峻德之明實因內有九官外有十二牧師濟盈朝循良布列也內無九官不能以成都俞吁咈之盛外無十二牧則承流宣化者闕焉又何能官得其職吏當其材蒸爲風俗哉十二牧之職即漢之刺史牧守宋之節度觀察廉察轉運等使也帝之咨十二牧曰食哉惟時柔遠能邇惇德允元而難任人蓋亦不外養之撫之厚德以風之飭

屬以安之而已此後代循良之極則也欽惟我

皇上留心民瘼選飭吏治凡廉聲丕著實績昭彰者必加以
不次之擢反是者則降且黜天下親民之官爭自濯磨
以成時雍之化矣竊謂親民之官以廉爲基以仁爲本
引而近之欲其親格而禁之欲其嚴理之欲其明措之
欲其簡慮民之不給也爲之課農桑訓節儉輕徭賦廣
蓄積遇有故則賑貸之又加詳焉慮民之不戢也爲之
教孝弟敦睦黜懲奸黠息訟爭以事至者誨諭之又加
詳焉根於中而不徇乎外者賢守令也結歡上官而不

體下情者民之蠹也自恃無他而張弛不協者誠不足
識不充也視猶傳舍因爲利藪者殃及其身者也審此
數者其於帝廷咨牧之意

聖天子懷保之心庶有合乎南靖張君季長學古通務有守
有爲之士也適高安公與世遠欲脩歷代循吏傳屬其
手纂旣成加以釐訂與名儒傳名臣傳並梓以行世遠
不揣固陋敬論之於簡端以質天下之有志於化民成
俗者

雍正七年己酉歲長至日漳浦蔡世遠書

(Faint vertical text columns, likely bleed-through from the reverse side)

歷代循吏傳目錄

卷之一

漢

文翁

龔遂

黃霸

朱邑

名信臣

尹翁歸

歷代通鑑輯覽
卷之二
韓延壽

張敞

王尊

薛宣

卷之二

漢

卓茂

衛胤

任延

劉昆

郭伋

杜詩

孔奮

張堪

宋均

王景

廉范

魯恭

秦彭

第五訪

王渙

孟嘗

王堂

卷之三

漢

蘇章

羊續

陳寔

賈琮

陸康

吳祐

童恢

劉寵

仇覽

劉矩

劉寬

任峻

董和

附魏

杜畿

鄭渾

附吳

顧邵

卷之四

晉

王恂

胡威

范晔

曹攄

丁紹

顏含

王蘊

吳隱之

南朝宋